

# BULETIN **unisel** UNIVERSITI SELANGOR

*Peneraju Transformasi*

**"NAK BUAT  
LAWAK JUGA  
PERLUKAN  
ILMU" -  
MAN RAJA LAWAK**

**PILIHAN  
RAYA MAJLIS  
PERWAKILAN  
PELAJAR UNISEL  
BERJALAN  
LANCAR**

**START / FINISH**



**PENDUDUK SEPANG SAHUT CABARAN  
LARIAN UNIVERSITI  
SELANGOR 2017**

**DARI ZAMBIA  
KE UNIVERSITI  
SELANGOR**

**UNISEL TUBUH INSTITUT MAQASID SYARIAH (INSMAQ)**

# dari meja editor



*Bismillahirahmanirahim,* terlebih dahulu saya ingin memanjangkan kesyukuran ke hadrat ilahi kerana dengan izin dan limpah kurnianya Buletin UNISEL keluaran April 2017 diper mudahkan penghasilan dan penerbitanya. Ikhlas dari saya, terima kasih kepada semua yang membantu sepanjang penghasilan Buletin ini, hanya Allah SWT sahaja yang mampu membala segala bentuk pertolongan tersebut.

Sidang pembaca sekalian,

Jika keluaran Januari lepas menyentuh berkenaan program-program yang dijalankan di UNISEL dengan jayanya tetapi kali ini saya berbesar hati mengucapkan setinggi-tinggi tahniah kepada semua warga UNISEL kerana telah berjaya menjayakan Karnival Jelajah GEMS Larian Universiti Selangor 2017 yang berlangsung pada 11 & 12 Mac lepas, di Tapak Pasar Pekan Salak, Sepang. Sesungguhnya kejayaan acara larian pertama yang dianjurkan Universiti Selangor ini memberikan satu sinergi baharu kepada seluruh warga universiti untuk mengapai kejayaan serta cabaran berikutnya.

Inisiatif Universiti Selangor dalam memperkenalkan semula nama UNISEL melalui acara larian pertama ini terbukti mendapat tempat di hati masyarakat apabila Tapak Pasar Pekan Salak, Sepang dibanjiri dengan ratusan peserta yang menyertai Larian Universiti Selangor 2017. Acara Larian ini bukan sahaja disambut meriah oleh warga tempatan malah mendapat perhatian warga antarabangsa.

UNISEL juga buat pertama kalinya memperkenalkan Santai@UNISEL, program bual bicara berkonsepkan santai di Tapak Pasar Pekan Salak, Sepang yang berfungsi sebagai platform untuk membicarakan soal pendidikan. Santai@UNISEL di meriahkan dengan kehadiran Dr Soo Wincci dan Man Raja Lawak serta Dr. Hamdan sebagai moderator program.

Sebelum mengakhiri coretan ini, saya menyeru kepada semua bakal mahasiswa yang berhajat melanjutkan pelajaran ke peringkat tinggi untuk memilih Universiti Selangor sebagai tempat menyambung pengajian selepas ini kerana UNISEL bukan sahaja mempunyai tenaga pengajar tersohor tetapi juga menawarkan program-program pengajian yang pelbagai bahkan diiktiraf serta kejayaan melahirkan ramai graduan yang berjaya.

Sekali lagi saya ingin mengucapkan jutaan tahniah kepada seluruh warga UNISEL yang telah bertungkus lumus dalam memastikan Buletin UNISEL edisi April 2017 berjaya diterbitkan. Diharapkan UNISEL akan sentiasa mendapat tempat di hati masyarakat dan dapat bersaing dengan universiti-universiti seangkatannya.

Sekian,  
**HASRIL ABU HASSAN**  
Pengarah Komunikasi Korporat

## sidang editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

**Pejabat Komunikasi Korporat**  
Tingkat 5, Bangunan Satelit  
Jalan Zirkon A7/A, Seksyen 7  
40000 Shah Alam  
SELANGOR  
Tel : +603-55223420  
Email : [corporate@unisel.edu.my](mailto:corporate@unisel.edu.my)  
Website : [www.unisel.edu.my](http://www.unisel.edu.my)

Penaung	:	Prof Dato' Dr Mohammad Redzuan Othman Presiden & Naib Canselor
Ketua Editor	:	Hasril Abu Hassan Pengarah Komunikasi Korporat
Editor	:	Nik Nabilah Nik Aziman Penolong Pengurus Komunikasi Korporat

Wartawan	:	Pejabat Komunikasi Korporat
Fotografi	:	Pejabat Komunikasi Korporat Selangorkini - Shuaib Ayob
Pembantu Editorial :	:	Hasni Mohd Noor Rafikah Saini Aiman Mudzafar Mohamad Khairi Nur Syaza Amalyna Nazmee



## KANDUNGAN

**2** Dari Meja Editor

**4 - 5** Penduduk Sepang Sahut Cabaran Larian Universiti Selangor 2017

**6** "Nak Buat Lawak Juga Perlukan Ilmu" - Man Raja Lawak

**7** Dari Zambia Ke Universiti Selangor

**8**

- Proses Penamaan Calon MPP UNISEL Berjalan Lancar di Kedua-dua Kampus
- Pilihan Raya Majlis Perwakilan Pelajar UNISEL Berjalan Lancar

**9** Majlis Watikah Perlantikan MPP UNISEL Sesi 2017/2018

**10** Presiden dan Naib Canselor Bertemu Pentadbiran Universiti Bincang Hala Tuju UNISEL

**11** UNISEL Bekerjasama Dengan KAUST Terokai Bidang Bioteknologi Microalgal

**12** UNISEL Tubuh Institut Maqasid Syariah (Insmaq)

**13** Wujudkah Demokrasi Sebenar di Malaysia?

**14** Projek Wakaf Gazebo UNISEL Pertama di SMK Rantau Panjang

**15** Pendedahan Industri Dalam Kurikulum "Lesson Beyond Classroom"

# PENDUDUK SEPANG SAHUT CABARAN LARIAN UNIVERSITI SELANGOR 2017

Tapak Pasar Pekan Salak, Sepang baru-baru ini dibanjiri dengan ratusan peserta yang menyertai Larian Universiti Selangor 2017. Larian yang pertama kali dianjurkan oleh Universiti Selangor (UNISEL) ini mendapat sambutan yang amat meriah bukan sahaja daripada peserta dalam negara malah turut menerima penyertaan daripada peserta luar negara.

"Flag off" telah disempurnakan oleh Y.Bhg. Prof. Dato' Dr. Mohammad Redzuan Othman, Presiden & Naib Canselor UNISEL. "Flag off" pertama adalah pada jam 8 pagi bagi kategori 10km manakala bagi kategori 5km pula dilepaskan setengah jam kemudian. Turut hadir memeriahkan program larian adalah pengurusan tertinggi universiti.

Peserta pertama yang tiba ke garisan penamat seterusnya dinobatkan sebagai pemenang tempat pertama adalah pelari daripada kategori 10km Terbuka Lelaki, Peetha Kiruva. Pemenang bagi kategori 10km Terbuka Wanita pula dimenangi

oleh Irene Mugaka. Bagi kategori Veteran Lelaki dimenangi oleh Talha Mohammad Nawi dan bagi kategori Veteran Wanita pula dimenangi oleh Annie Lee Khum Chien.

Majlis Penyampaian Hadiah disempurnakan oleh YB Nik Nazmi Nik Ahmad, Pengurus Jawatankuasa Tetap Pendidikan, Pembangunan Modal Insan, Sains, Teknologi dan Inovasi Negeri Selangor. Turut hadir YB Puan Lai Nyuk Lan, Ahli Dewan Undangan Negeri Sg Pelek serta Encik Muhammad Hafiz Shaari, wakil daripada Majlis Perbandaran Sepang.

Presiden dan Naib Canselor UNISEL turut menyampaikan sumbangan geran biasiswa pengajian kepada dua buah sekolah iaitu Kolej Vokasional Sepang dan Sekolah Menengah Kebangsaan (SMK) Seksyen 10, Kota Damansara bagi sekolah yang menghantar penyertaan terbanyak. Biasiswa pengajian tersebut ditaja sepenuhnya oleh Kumpulan Media Karangkraf.





# "NAK BUAT LAWAK JUGA PERLUKAN ILMU"

- MAN RAJA LAWAK

"Empat kali saya menghadiri ujibakat Raja Lawak. Keempat-empat kali itulah juga saya gagal namun saya tidak pernah patah semangat. Bagi saya, untuk menjadi seorang pelawak juga kita haruslah mempunyai ilmu. Kerana ilmu juga saya berjaya menuju program Raja Lawak musim kelima."

Bagi Man Raja Lawak, ilmu adalah sangat luas. Ia meliputi semua aspek termasuklah pendidikan, kerohanian dan ianya tidak terbatas. Bagi beliau, enam tahun berada di dalam industri, selama itulah setiap hari dia harus menuntut ilmu.

"Nak menghiburkan penonton juga perlukan ilmu dan kemahiran. Nasihat saya, penuhilah dada dengan ilmu kerana jika kita tiada ilmu ia bagaikan tiada nyawa. Jangan mudah berputus asa. Bagi saya, kegagalan itu adalah kunci sebenar kepada kejayaan"

Ditanya mengenai skim pendidikan percuma atau Dermasiswa yg diperkenalkan oleh Universiti Selangor (UNISEL) , Man Raja Lawak memuji UNISEL dalam membantu masyarakat terutamanya anak muda untuk menimba ilmu. Baginya ini merupakan satu inisiatif yang bagus dalam membantu masyarakat memandangkan keadaan ekonomi sekarang yang sangat tidak menentu.



Ini turut dipersetujui oleh bekas ratu cantik Malaysia, Dr Soo Wincci. Beliau yang baru sahaja menamatkan pengajian peringkat Doktor Falsafah juga percaya pembelajaran bukan hanya tertumpu kepada satu cabang sahaja tetapi ianya haruslah pelbagai. Beliau yang mempunyai kelulusan dalam undang-undang, kejuruteraan kimia, perniagaan dan penjenamaan mengatakan pernah gagal banyak kali dalam hidup tetapi beliau tidak mengalah bahkan terus berusaha.

"Pembelajaran bukan suatu pertandingan untuk mengejar siapa lebih hebat, tetapi pelajaran adalah untuk kita mencari siapa diri kita. Ilmu juga harus disumbangkan kepada orang lain juga supaya semua orang dapat tahu sesuatu perkara. Saya menggalakkan kepada semua orang untuk terus belajar tidak kira di peringkat mana anda berada sekalipun."

Kehadiran dua selebriti ini disambut meriah oleh warga Sepang yang hadir pada program bual bicara Santai@UNISEL sempena program Siri Jelajah GEMS 2017 yang diadakan di Tapak Pasar Salak, Sepang. Kedua-duanya hadir sebagai panel bagi berkongsi pendapat mengenai pendidikan serta kepentingan memiliki ilmu. Program ini dikendalikan oleh Dr. Hamdan Dato' Mohd Salleh selaku moderator yang turut memberi penerangan mengenai skim pendidikan percuma (Dermasiswa).

Selaras dengan hasrat UNISEL yang merupakan Peneraju Transformasi pendidikan di negeri Selangor, UNISEL turut membuka booth bagi memberi penerangan kepada warga Sepang mengenai program-program pendidikan yang ditawarkan tembusuklah pendidikan di peringkat Tahun Asas, Diploma, Ijazah, Sarjana serta Doktor Falsafah.





# DARI ZAMBIA KE UNIVERSITI SELANGOR

Keterujaan seorang ibu yang ingin mendaftarkan anaknya untuk melanjutkan pelajaran terserlah di wajah Puan Olivia. Empat tahun menetap di Malaysia, hatinya terpaut dengan keindahan negara ini. Berasal daripada negara Zambia iaitu sebuah negara yang terletak di selatan benua Afrika, Puan Olivia hadir pada hari ini ke Universiti Selangor (UNISEL) kampus Bestari Jaya bagi mendaftarkan anaknya, Tabu Musukwa bagi mengikuti program Pengajian Asasi Teknologi Maklumat.

"Sebagai ibu, saya memilih UNISEL kerana persekitaran disini amat sesuai untuk anak saya belajar kerana mempunyai suasana luar kota yang sesuai untuk aktiviti pembelajaran. Suasana di kampus Bestari Jaya membolehkan anak saya melakukan aktiviti riadah selepas waktu kuliah," kata Puan Olivia yang mengikuti Hari Pendaftaran Kemasukan Januari 2017 di sini.

Tambah Puan Olivia lagi, kemudahan yang disediakan oleh UNISEL terutama sekali dari segi penginapan merupakan yang terbaik berbanding universiti lain.

"Jika sebelum ini, saya pernah ke beberapa universiti lain, namun kemudahan prasarana di UNISEL adalah yang paling terbaik. Saya sendiri memandu daripada Kuala Lumpur ke Bestari Jaya untuk memastikan segala kemudahan dan kelengkapan pembelajaran adalah seperti yang dikhabarkan. Bagi saya UNISEL adalah pilihan yang terbaik untuk anak saya melanjutkan pelajaran di peringkat universiti."

Peningkatan jumlah pelajar antarabangsa merupakan satu pencapaian yang amat luar biasa dengan kehadiran pelajar-pelajar dari negara luar antaranya Oman, Somalia, Afrika Selatan, Zambia, Indonesia, Bangladesh, Sudan serta beberapa negara lain. Ini telah membuktikan bahawa UNISEL bukan sahaja menjadi pilihan pelajar dalam negara malahan juga pelajar-pelajar antarabangsa.

Justeru itu, buat para pelajar di luar sana yang berminat untuk menyambung pengajian di UNISEL, boleh layari laman sesawang universiti di [www.unisel.edu.my](http://www.unisel.edu.my) atau hubungi pejabat Pemasaran & Kemasukan di talian 03-55223400 / 012-3401740 / 011-33907681



# PROSES PENAMAAN CALON MPP UNISEL BERJALAN LANCAR DI KEDUA-DUA KAMPUS

Seramai 42 orang pelajar terpilih sebagai calon Majlis Perwakilan Pelajar (MPP) UNISEL Sesi 2017/2018. Sebanyak 26 orang calon bagi kampus Shah Alam manakala 16 calon pula di kampus Bestari Jaya. Proses penamaan calon berjalan dengan lancar sekali menyaksikan setiap calon yang bertanding membawa 2 wakil sebagai penyokong dan pencadang.

Di Shah Alam, terdapat 13 pencalonan dan hanya 1 pencalonan ditolak untuk kerusi umum manakala kesemua 18 pencalonan untuk kerusi fakulti layak bertanding

mengikut syarat-syarat yang telah ditetapkan. Daripada 18 kerusi fakulti, hanya 1 kerusi yang mewakili Fakulti Kejuruteraan dan Sains Hayat diisyiharkan menang tanpa bertanding. Kesemua calon fakulti mewakili 3 fakulti di kampus Shah Alam.

Di kampus Bestari Jaya pula terdapat 7 pencalonan untuk kerusi umum manakala 9 pencalonan bagi kerusi fakulti layak bertanding. 5 kerusi di Fakulti Pendidikan & Sains Sosial dan 2 kerusi di Fakulti Kejuruteraan & Sains Hayat diisyiharkan menang tanpa bertanding. Kesemua calon yang bertanding

mewakili 4 fakulti di kampus Bestari Jaya. Namun demikian tiada pelajar Antarabangsa yang menawarkan diri untuk bertanding.

Proses Penamaan Calon, Bantahan, dan Pengumuman Calon Bertanding bermula pada jam 9 pagi sehingga 12 tengahari bertempat di Dewan Pro-Cancelor bagi kampus Shah Alam manakala di kampus Bestari Jaya pula bertempat di Dewan Canselor.

Kempen Pengenalan Calon bermula 22 Februari dan tempoh berkempen adalah sehingga 28 Februari. Pemilihan MPP dibuat pada 1 Mac depan di mana ia bakal memilih calon yang dapat membantu menjaga kebijakan selain melancarkan segala perjalanan aktiviti di UNISEL. Dalam pada itu, calon-calon dinasihatkan untuk berkempen secara sihat dan tiada sebarang insiden provokasi dicetuskan oleh mana-mana pihak sepanjang tempoh berkempen.



## PILIHAN RAYA MAJLIS PERWAKILAN PELAJAR UNISEL BERJALAN LANCAR

Pada 1 Mac 2017 merupakan satu tarikh penting apabila Universiti Selangor (UNISEL) telah mengadakan Pilihan Raya Majlis Perwakilan Pelajar (MPP) di kedua-dua buah kampus iaitu Shah Alam dan Bestari Jaya.

Pilihan Raya ini diadakan bertujuan untuk memilih calon terbaik yang bakal menyandang jawatan MPP yang berperanan

dalam membantu pihak pengurusan dalam mengenalpasti keperluan serta kebijakan pelajar selain menghidupkan suasana universiti dengan pelbagai agenda serta aktiviti untuk pelajar.

Proses pembuangan undi bermula jam 9 pagi sehingga jam 5 petang itu berlangsung di Dewan Pro Canselor bagi kampus Shah Alam manakala beberapa lokasi di sekitar kampus Bestari Jaya antaranya Dewan Naib Canselor, Rotunda Jabatan Kejuruteraan, Rotunda Jabatan Pengkomputeran FPSS serta Rotunda Jabatan Sains & Bioteknologi.

Proses pemilihan pada tahun ini menyaksikan persaingan sengit di antara calon-calon di kedua-dua buah kampus yang turut menyaksikan peningkatan bukan sahaja dari segi bilangan



# MAJLIS WATIKAH PERLANTIKAN MPP UNISEL SESI 2017/2018



Universiti Selangor (UNISEL) melalui Bahagian Pembangunan Pelajar dan Jaringan Komuniti (HEP) semalam telah berjaya mengadakan Majlis Perlantikan dan Penghargaan Majlis Perwakilan Pelajar (MPP) yang berlangsung di Dewan Canselor, UNISEL kampus Bestari Jaya.

Kehadiran Prof. Dato' Dr. Mohammad Redzuan Othman, Presiden dan Naib Canselor diiringi oleh Prof. Dr. Shaharuddin Badaruddin, Timbalan Naib Canselor (Pembangunan Pelajar dan Jaringan Komuniti), En. Amidi Abdul Manan, Dekan Hal Ehwal Pelajar serta pengurusan tertinggi universiti disambut meriah oleh kesemua MPP yang bakal

menerima watikah pada majlis tersebut.

Dalam ucaptama yang disampaikan oleh Y.Bhg Presiden dan Naib Canselor, beliau mengucapkan ribuan tahniah kepada kesemua pelajar yang telah terpilih sebagai MPP serta syabas kepada kesemua kakitangan yang telah bertungkus-lumus bagi menjayakan Pilihan Raya Majlis Perwakilan Pelajar 2017/2018 bagi kedua-dua buah kampus.

"Penglibatan pelajar dalam persatuan sebenarnya merupakan satu medan kepada para pelajar untuk mengasah bakat kepimpinan masing-masing. Sebagai sebuah IPTS, kita juga membuka ruang dan peluang

kepada para pelajar untuk berpolitik bagi melatih kepimpinan serta meningkatkan jati diri para pelajar."

Majlis turut dimeriahkan lagi dengan kehadiran mantan MPP bagi sesi 2016/2017 yang turut diraikan dalam Majlis Penghargaan MPP sesi 2016/2017. Majlis turut menyaksikan sesi bacaan Ikrar MPP kampus Bestari Jaya yang diketuai oleh Presiden MPP Bestari Jaya, Mohammad Tirmizi Abd Manaf dan Ikrar MPP kampus Shah Alam yang diketuai oleh Presiden MPP Shah Alam, Mohamad Iskandar Zulkarnain Lukman.

pencalonan bahkan juga peratusan mahasiswa yang turun mengundi.

Rata-rata manifesto yang dikemukakan oleh calon adalah berbentuk penambahbaikan dari segi kemudahan dan infrastruktur bagi mewujudkan suasana pembelajaran yang lebih kondusif serta berdaya saing seiring dengan hasrat UNISEL untuk melahirkan masyarakat yang dibentuk dengan kemantapan sahsiah dan intelektual.

Sekalung tahniah diucapkan buat kesemua calon yang berjaya memenangi kerusi umum dan juga kerusi fakulti yang dipertandingkan. Semoga dengan kemenangan ini pelajar dapat berbakti kepada bukan sahaja fakulti dan universiti malah kepada komuniti setempat.



# PRESIDEN DAN NAIB CANSELOR BERTEMU PENTADBIRAN UNIVERSITI BINCANG HALA TUJU UNISEL

Presiden dan Naib Canselor UNISEL, Prof. Dato' Dr. Mohammad Redzuan Othman telah mengadakan pertemuan dengan pegawai pentadbiran universiti bagi membincangkan hala tuju dan rancangan masa hadapan UNISEL.

Dalam ucapannya, beliau telah menekankan perancangan serta langkah yang telah dilakukan dan bakal dilakukan oleh universiti bagi meningkatkan kepercayaan pihak luar kepada UNISEL.

"Dalam keadaan ekonomi yang semakin meruncing ini, semua staf haruslah mengambil langkah penjimatan dari pelbagai aspek, terutamnya penggunaan tenaga elektrik. Selain itu, staf juga harus peka dan cakna akan persekitaran kampus. Sekiranya terdapat sebarang kerosakan, haruslah ambil langkah untuk terus membaiki apa yang patut agar keceriaan universiti terpelihara."

Dalam pertemuan tersebut juga, beliau Presiden dan Naib Canselor turut menegaskan aspek disiplin di samping memutuskan bahawa pertemuan ini akan diadakan sebulan sekali bagi memantau prestasi staf dari masa ke semasa. Beberapa perkara dan isu berbangkit turut diberikan penjelasan di samping menekankan aspek tanggungjawab serta peranan dan tanggungjawab pegawai pentadbiran dalam transformasi UNISEL ke arah kecemerlangan.





# UNISEL BEKERJASAMA DENGAN KAUST TEROKAI BIDANG BIOTEKNOLOGI MICROALGAL

Universiti Selangor (UNISEL) menerusi Institut Bio-IT Selangor telah menganjurkan "Professorial Lecture: 'Metabolic and Synthetic Engineering of Marine Microalgal Cell Factories'" yang telah disampaikan oleh Dr. John Archer sempena perlantikkan beliau sebagai Pensyarah Adjung di Institut Bio-IT Selangor UNISEL.

Program diadakan bertujuan memberikan gambaran keseluruhan terhadap projek-projek yang telah dijalankan oleh Dr. John Archer sepanjang penyelidikannya di kilang-kilang kejuruteraan selfotosintesis mikrob di King Abdullah University of Science and Technology, Saudi Arabia (KAUST) dan kerjasama beliau melalui program bersama dengan UNISEL serta pengalaman dalam menterjemahkan penyelidikan akademik teknologi.



Dr. John Archer dalam ucapannya berkata, "Ini adalah masa yang sesuai untuk melakukan bioteknologi microalgal. Ianya sebagai suatu tindak balas kepada kebimbangan perubahan iklim yang sedang melanda dunia. Tambahan lagi, masyarakat dunia mengakui bahawa terdapat keperluan yang mendesak untuk membangunkan laluan mampan baru untuk bahan kimia dan bahan-bahan untuk menggantikan bahan api fosil."

Dr. John Archer yang mewakili KAUST juga berkongsi pengalaman beliau sewaktu bersama-sama menjayakan "Green Chemistry Collaboration" bersama Institut Bio-IT Selangor UNISEL sepanjang tahun 2007 hingga 2010.

Majlis turut dihadiri oleh Prof. Dr. Mohd Nor bin Nawawi, Timbalan Naib Canselor UNISEL, Prof. (E) Dato' Dr. Abdul Latif Bin Ibrahim, Pengarah Institut Bio-IT Selangor dan pengurusan tertinggi universiti. Program yang berlangsung di LT2 UNISEL kampus Shah Alam menyaksikan penglibatan hampir 100 orang peserta termasuk pensyarah serta pelajar.



# UNISEL TUBUH INSTITUT MAQASID SYARIAH (INSMAQ)

OLEH: HASRI HARUN, Pensyarah Pusat Perkembangan dan Pengajian Asasi UNISEL

Pada 6 Februari 2017 lalu, sejarah baharu tercatat di Universiti Selangor (UNISEL) dengan tertubuhnya Institut Maqasid Syariah (INSMAQ) di bawah kelolaan Pusat Kecemerlangan (COE) UNISEL. Selain INSMAQ, terdapat dua lagi Institut baru yang ditubuhkan termasuk Institut Kajian Pilihanraya & Pemajuan Demokrasi (IESAD) dan Institut Epistemologi Ilmu dan Pembaharuan Kurikulum (IIECR). Penubuhan Institut ini adalah selaras dengan agenda Transformasi UNISEL yang dibawa oleh Presiden dan Naib Canselor, Prof Dato' Dr. Mohammad Redzuan Othman. Institut Maqasid Syariah atau nama pendeknya INSMAQ ditubuhkan bertujuan membawa UNISEL menjadi sebuah universiti swasta yang unggul dalam menjuarai isu-isu Islam dan kemasyarakatan. INSMAQ juga menggerakkan agenda penyelidikan, penerbitan serta menjalankan latihan dan kursus-kursus akademik yang berpaksikan kepada Maqasid Syariah.

Sebagai sebuah institut pengajian tinggi swasta (IPTS) yang bersaing dengan IPTS lain, UNISEL menyedari akan keperluan persaingan sihat dalam bidang akademik dan pengantarabangsaan. Oleh itu, usaha

mengetengahkan agenda Maqasid Syariah yang merupakan bidang ilmu besar akan memberi pendedahan kepada pelajar dan masyarakat tentang kepentingan maqasid syariah dalam kehidupan. Penubuhan INSMAQ ini juga selaras dengan hasrat kerajaan Negeri Selangor menjadikan maqasid syariah sebagai teras dalam pentadbiran kerajaan. Sejauh mana kejayaan urus tadbir kerajaan merangkumi aspek pengurusan kewangan, pendidikan, sains, teknologi serta bidang-bidang lain dalam pentadbiran kerajaan harus difahami menurut kaca mata undang-undang Islam dan maqasid syariah.

UNISEL juga bertuah apabila, selaras dengan usaha bersama dan misi menjadikan UNISEL sebagai IPTS yang unggul, satu MOU telah dilaksanakan dengan kerjasama Pusat Maqasid Malaysia (MIM) yang berpusat di Bangi Selangor. MIM yang dipimpin oleh seorang tokoh besar dalam bidang Maqasid, iaitu Profesor Dr Jasser Auda dari United Kingdom hadir bersama delegasi MIM membuktikan keseriusan kedua-dua belah pihak bagi meneroka kerjasama strategik menggerakkan agenda Islam dan Maqasid di dalam UNISEL. Bentuk kegiatan yang



mampu memberi impak besar kepada universiti termasuklah kegiatan penyelidikan bertaraf antarabangsa, kerjasama kajian dan penyelidikan dengan institusi yang menjadi penggerak agenda maqasid melalui jaringan MIM, aktiviti penerbitan dan penterjemahan bahan-bahan ilmiah yang penting sebagai rujukan untuk menjalankan kegiatan ilmu. UNISEL juga sedang menerokai peluang untuk menawarkan kursus-kursus jangka pendek Pengurusan, Pentadbiran dalam teras Maqasid Syariah. Selain itu INSMAQ sedang menyiapkan kertas kerja bagi menawarkan kursus jangka panjang di peringkat Sarjana dan Doktor Falsafah dalam bidang (Maqasid Syariah).

Penubuhan INSMAQ ini tepat pada masanya dalam suasana masyarakat yang semakin memerlukan penjelasan dan bimbingan dalam isu-isu perundungan Islam. Oleh itu, sudah menjadi tanggungjawab UNISEL untuk turun padang menyampaikan ilmu dan hikmah bagi mengangkat martabat ummah. Kini INSMAQ dipimpin oleh tenaga akademik UNISEL dibawah penelarasnya, iaitu Ustaz Hasri Harun dari Pusat Pembagunan Pengajian Asasi (CDFS). Syaran Umum bertajuk '*Empowerment of Education from the Maqasid Perspective*' oleh Prof Jasser Auda juga turut diadakan sempena penubuhan INSMAQ. Program yang diadakan di Dewan Pro-Canselor UNISEL kampus Shah Alam itu turut dihadiri oleh pelajar, kakitangan serta orang awam.



MoU di antara UNISEL dan MIM diharap mampu memberi impak besar dalam bidang penyelidikan maqasid syariah di Malaysia.



Sesi menandatangani MoU diantara UNISEL yang diwakili oleh Prof. Dato' Dr. Mohammad Redzuan Othman, Presiden dan Naib Canselor dengan Pusat Maqasid Malaysia yang diwakili oleh Prof. Dr. Jasser Auda.



# WUJUDKAH DEMOKRASI SEBENAR DI MALAYSIA?

Buat julung kalinya, Universiti Selangor (UNISEL) menerusi Institut Kajian Pilihan Raya dan Pemajuan Demokrasi (IESAD) dengan kerjasama Institut Darul Ehsan (IDE) telah mengadakan satu forum yang bertajuk "Wujudkah Demokrasi Sebenar di Malaysia?" bertempat di I-Zone 1, UNISEL kampus Shah Alam.

Forum tersebut merupakan sebahagian daripada agenda program yang turut menyaksikan perasmian logo Institut Kajian Pilihan Raya dan Pemajuan Demokrasi (IESAD) Universiti Selangor yang dikelolai oleh En Mohd Ikwanita Taib selaku Koordinator bagi IESAD.

Majlis dimulai dengan ucapan aluan oleh YBhg. Prof. Dato' Dr. Mohammad Redzuan Othman Presiden & Naib Canselor, UNISEL dan diteruskan dengan ucapan perasmian oleh YB Tuan Nik Nazmi bin Nik Ahmad EXCO Pendidikan, Pembangunan Modal Insan, Sains, Teknologi dan Inovasi Selangor.

Turut berlangsung adalah Penyerahan Laporan Kajian Iklim Politik Pilihan Raya di Sarawak dan Kaitannya dengan Senario

Politik di Selangor serta penyerahan Laporan Keperluan Latihan dan Persepsi Politik Guru-Guru Sekolah Rendah Agama di Selangor.

Sambutan yang diterima adalah amat menggalakkan terutama sekali daripada staf dan pelajar. Ruangan I-Zone 1 turut dipenuhi dengan jemputan termasuk rakan-rakan media seperti Sinar Harian, Berita Daily, Malaysiakini, Media Selangor, TV UNISEL serta Institut Darul Ehsan.

Antara barisan panelis yang hadir adalah YB Tuan Nik Nazmi bin Nik Ahmad, Exco Pendidikan, Pembangunan Modal Insan, Sains, Teknologi dan Inovasi Selangor, Prof. Dr. Shaharuddin Badaruddin, Timbalan Naib Canselor Pembangunan Pelajar & Jaringan Komuniti UNISEL dan Dato'Saifuddin Abdullah yang juga merupakan Pengarah Strategik dan Pembangunan Sosial Institut Darul Ehsan. Forum yang bermula pada jam 10.45 pagi itu dikendalikan oleh Dr. Hamdan Dato' Mohd Salleh, Dekan Pusat Perkembangan Pengajian Asasi UNISEL selaku moderator.

Satu per satu isu berkaitan demokrasi dikupas oleh para panel. Antara topik hangat



yang dibincangkan adalah "Demokrasi" sebenar, hala tuju, indeks demokrasi, budaya politik Malaysia dan banyak lagi. Menurut YB Nik Nazmi Nik Ahmad, "Demokrasi bermakna suara majoriti itu dihormati tetapi pada masa yang sama ia memerlukan hak dan kepentingan golongan minoriti juga di hormati, perlu ada keseimbangan supaya demokrasi boleh menjadi sempurna".

Selain isu demokrasi, panel turut mengupas isu kesedaran mengundi dalam kalangan masyarakat, isu ketelusan dalam pilihanraya serta beberapa soalan berkaitan beban PTPTN dan hala tuju PRU14.





# PROJEK WAKAF GAZEBO UNISEL PERTAMA DI SMK RANTAU PANJANG

Projek Wakaf Gazebo UNISEL merupakan salah satu projek amal yang dianjurkan oleh Universiti Selangor (UNISEL) menerusi gabungan tiga buah fakulti, iaitu Fakulti Kejuruteraan dan Sains Hayat, Fakulti Perniagaan dan Perakaunan, Fakulti Komunikasi, Seni Visual dan Pengkomputeran serta Bahagian Jaringan Komuniti (COMNET).

Projek yang memperkenalkan konsep Wakaf ini merupakan satu program tanggungjawab sosial UNISEL yang dapat memberi manfaat kepada pelajar sekolah, apabila yang mana gazebo yang diwakafkan ini dijadikan tempat beristirehat dan mengulangkaji pelajaran.

Projek yang menyasarkan sekolah di sekitar negeri Selangor ini menyaksikan sekolah pertama yang menerima wakaf gazebo tersebut ialah Sekolah Menengah Kebangsaan (SMK) Rantau Panjang, Bestari Jaya. Pemasangan gazebo telah dilaksanakan oleh kakitangan dan pelajar-pelajar UNISEL.

Selain mengetengahkan kemahiran pembinaan kepada pelajar, program ini turut bertujuan untuk meluaskan konsep wakaf dan memberi pendedahan kepada pelajar-pelajar sekolah mengenai UNISEL serta kursus-kursus yang ditawarkan di Universiti Selangor.



# PENDEDAHAN INDUSTRI DALAM KURIKULUM “LESSON BEYOND CLASSROOM”

OLEH : SITI BIRKAH MOHD ALI, Pensyarah Kanan, Jabatan Kejuruteraan

Persediaan ke alam industri bukan hanya bermula ketika pelajar-pelajar menghadiri latihan industri, bahkan pelajar-pelajar kejuruteraan dari Fakulti Kejuruteraan dan Sains Hayat (FKSH) UNISEL, telah banyak didedahkan kepada ilmu, kemahiran dan keperluan industri sepanjang keberadaan mereka di fakulti sebagai persiapan awal sebelum melangkah ke alam pekerjaan sebagai seorang jurutera. Selain itu, aktiviti-aktiviti dan pendedahan kepada dunia sebenar kejuruteraan sememangnya dititik beratkan oleh Engineering Accreditation Council (EAC), satu-satunya badan akreditasi yang diamanahkan oleh Lembaga Jurutera Malaysia untuk menilai program-program Ijazah Sarjana Muda Kejuruteraan yang ditawarkan di institut-institut pengajian tinggi awam dan swasta di seluruh Malaysia.

Secara umumnya, lawatan sambil belajar ke industri, tapak-tapak pembinaan, bangunan jimat tenaga, stesen janakuasa elektrik dan banyak lagi telah acap kali dikendalikan oleh pensyarah-pensyarah Jabatan Kejuruteraan. Lawatan-lawatan seperti ini telah dirancang di awal semester dan dijadikan sebahagian dari penilaian bagi kursus-kursus yang terbabit. Antara penilaian yang dilakukan adalah penyediaan laporan tentang apa yang dapat dipelajari dan difahami dari lawatan yang diikuti, pembentangan, tugas secara berkumpulan dan sebagainya. Lawatan-lawatan ini telah dilaksanakan bagi memenuhi kehendak program untuk memperlihatkan kesinambungan teori asas-asas kejuruteraan kepada amali/praktik sebenar di alam pekerjaan kelak.

Pelajar-pelajar ini didedahkan kepada keterluasan bidang ilmu, kemahiran dan teknologi-teknologi kejuruteraan baru khasnya seperti perisian, teknik-teknik rekabentuk, sistem-sistem yang digunakan di industri, ujian yang dijalankan ke atas produk-produk yang dikeluarkan dan sebagainya. Selain itu, adaptasi industri di dalam kurikulum program-program kejuruteraan di UNISEL secara amnya telah dapat membantu pelajar dari segi pendedahan kepada dunia pekerjaan, pengurusan masa, aspek-aspek keselamatan dan banyak lagi.

Pada tahun 2016, beberapa siri lawatan telah berjaya dikelolakan. Antaranya ialah lawatan ke bangunan Suruhanjaya Tenaga atau Diamond Building di Putrajaya, lawatan ke Kumpulan Melaka Berhad (KMB) Solar Farm di Melaka, Stesen Janakuasa Elektrik Biopower Climate Care Biogas, lawatan ke tapak pembinaan sekolah di kawasan sekitar Pantai Dalam, Canon Opto (M) Sdn. Bhd. dan beberapa lagi. Adaptasi industri ini akan diteruskan agar lebih banyak pendedahan dapat diberikan kepada pelajar-pelajar yang mengikuti program kejuruteraan dan dapat meningkatkan kualiti pengajaran dan pembelajaran di Unisel bagi melahirkan graduan kejuruteraan yang cemerlang, terbilang dan professional.





# PENGAMBILAN MEI & JULAI 2017

DAFTAR  
SEGERA

JOM MASUK  
UNISEL!

PROGRAM TAHUN ASAS

DIPLOMA

IJAZAH SARJANA MUDA

YURAN PENGAJIAN  
**PERCUMA**  
BAGI SEMUA PENGAJIAN TAHUN ASAS

**BIASISWA**  
DAN PINJAMAN  
BAGI YANG LAYAK

Pejabat Pemasaran & Kemasukan  
UNIVERSITI SELANGOR  
DU007(B) | DU007-01(B)  
Jalan Zirkon A 7/A Seksyen 7,  
40000 Shah Alam, Selangor.

admission@unisel.edu.my  
 Universiti Selangor  
 Hubungi :  
03 - 5522 3400 011-33907681  
012 - 3401740 011-20036355



GPS KOORDINAT  
KAMPUS SHAH ALAM  
3°5'0" 101°32'0"  
KAMPUS BESTARI JAYA  
3°24'55" 101°26'24"



MOHON SEKARANG di [apply.unisel.edu.my](http://apply.unisel.edu.my)